

به سازه نور و زود و چپار

کَم اویبی جا تِه نترس، گیلایِ دَس بیتی دِرس
وَل شونه شیش ماه بنگا او،
پرس بوریم شه جانِه کو

اَوَّل و آخِر اما اونجه نییّه؟ مِرِه بو! (مره بعو)
مسجدِ پیش! کاشلِ لو ...
پرس بوریم شه جانِه کو

سید محسن ابوالحسنی

۱۸ اسفند ۱۳۹۳

هرجا دواشی تعطیلی، خَزَر و یا فارسِ پلی؟
تِه دِل کِجه دَرِه ولی؟
پرس بوریم شه جانِه کو

شهرِ شلوغِه جانِ برار، شه خد توتی در بیار
خَسّه بییی (بعی) از هیاهو،
پرس بوریم شه جانِه کو

خِداوَری بهارِ بمو، سِلِ بِن یَخ بییّه (بعیه) او،
هَلای هَلای تی تی نَزو،
پرس بوریم شه جانِه کو

بی بولی یا پول داری تِه، شاسی بلندِ سواری تِه،
دَکَل ماشین شه ناری تِه،
پرس بوریم شه جانِه کو

به اسمِ کار و مدرسه، تِهرون و اَمِل دَری تِه
بهونه ناینی اِسا تِه ،
پرس بوریم شه جانِه کو

هی گتی سردِ چه هوا، حساسیتِ دایمی اما
آنِه سرما ترسِ نبی (نعی) گا،
پرس بوریم شه جانِه کو